

Universitätsbibliothek Paderborn

**R. P. Lvcæ Pinelli Societatis Iesv Theologi, De Virtvte Sev
Energia, & admirandis Sacrosanctæ Missae effectibus,
Libri Duo**

Pinelli, Luca

Coloniæ, Anno M.D.CVIII.

IV. Quid facere debeat, qui Ecclesiam ingreditur ad audiendam S. Missam.

[urn:nbn:de:hbz:466:1-46295](#)

autem, in proxima arbore suspensum
agrestem inuenisse, sed postea diris co-
gitationibus haud quaquam vexatum
fuisse.

*Quid facere debeat, qui Ecclesiam in-
greditur ad audiendam
S. Missam.*

CAP. IV.

VT debitum ex sacra Missa fructum
percipiamus, quantum in nobis
est, procurare debemus, ut bene præpa-
rati ac dispositi accedamus, cum inten-
zione, attente, deuoteque eam audiendam.
Ac cum(veluti sæpius dictum est) ni-
hil aliud sit Missa, quam Dominice Pa-
ssionis quædam cōmemoratio & repre-
sentatio, conuenientissimum pariter ac
utilestimum videtur consilium, ut qui
vadit ad audiendam Missam, imagine-
tur ac fingat se sanctissimam Virginem
Matrem comitari, non sine uberrimis
lachrymis ac suspirijs, cum S. Ioanne, &
Maria Magdalena euntes ad Caluariæ
monte, ubi sacrificandus & offerendus e-
rat æterno Patri dilectus Filius in mūdi-

falu-

salutem ac redemptionem. Hæc imaginatio seu cogitatio efficiet, vt ne cum risu, quod proprium est eorum, qui omnino carent deuotione, sed potius animo ad Christianam commiserationem comp̄sito, exemplo B. Virginis Mariæ, S. Ioannis, & Mariæ Magdalenæ, accedas. Deinde etiam ad hoc non parum afferet adiumentum, vt scilicet tali attentione ornatus, magis magisq; disponaris ad percipiendum fructus ex sanctissimo Missæ Sacrificio vberiores.

Non alienum fuerit ab hoc proposito recensere, quod quidem Missæ studiosus facere solitus fuit, quando eius audiendæ causa ad Ecclesiam se conferbat, vti scriptū est serm. 68. de Dedic. Eccles. in Sermonario dicto Dormi Securè, de Tempore. Vir quidam fidelis erat, hic cùm esset mortuus, apparuit suo Sacerdoti fideliter pro ipso oranti, gratias agens, & saluatum se dicens. Cū Sacerdos eum interrogaret, quid in vita sua egisset, quod Deo placuisset. Respōdit: quandocumque volui ad Ecclesiam ire, signum Crucis feci ante me, antequam exirem domum, & eundo dixi

N. 5 Ora-

Orationem Dominicam, rogando Deū,
vt faceret me dignum intrare domum
suam. Et postquā veneram ad Ecclesiam
processi ad Crucem , dicens quinq; Pa-
ter noster, ad honorem quinque vulne-
rum Christi , & post quodlibet Pater
noster, adieci petitionem illam. Primò
dixi : Domine, hīc sto ante te, tanquam
mendicus ante diuitem, petens vt tuam
gratiam mihi pro modulo velis parti-
cipare. Secundò dixi : Domine hīc sto
ante te , vt seruus ante Dominum , pe-
tens cibum & potum Corporis & San-
guinis tui, & vestem charitatis , quæ o-
perit multitudinem peccatorum. Ter-
tiò dixi: Ecce sto ante te, vt reus ante iu-
dicem terribilem , petens vt mihi esse
velis iudex pius, quando separabitur a-
nimam ea à corpore meo. Quartò dixi:
Domine hīc sto ante te , sicut amicus
ante amicum, petens vt charitas tua ex-
imia trahat me ad te , vt liget me in te,
& non permittat me vñquā separari
a te. Quintò dixi : Domine hīc sto an-
te te, sicut filius ante patrem , petens te
vt paternam hæreditatem finaliter non
velis mihi denegare . Ecce , ille ait,

ita

ita veni & intraui Ecclesiam ; ita dixi
orationem meam ; & ita veni ad gra-
tiam. *Huc vsq; ex Sermonario Dormii Se-
cure.*

Præter autem ea, quæ iã diximus, ne-
cessè est ei, qui cum lucro aliquo spiri-
tuali rem diuinā audire velit, in Eccle-
sia modestum ac compositis esse mori-
bus, quam ad rem utilissimum fuerit, si
cogitet, se non in aula terreni alicuius
Principis, sed in Dei versari palatio,
cultui & honori Diuinæ Maiestatis de-
dicato. Si enim in amici alicuius domo
te pudet indecēter gerere, atque amico
molestem esse, multò magis pudebit in
domo Dei, quæ ædificata & destinata
est, nō vt inibi Deū offendas, sed honorē
illi omnē ac reuerentiam deferas, ani-
mæq; tuę salutē procures. Scito deinde,
peccata, quæ in Ecclesia cōmittuntur,
ex loci circumstantia non mediocriter
aggrauari, magisque oculos Dei, quām
quæ alibi cōmittuntur, offendere. Hinc
S. Martino rem diuinam faciente visus
fuit Diabolus, minutim omnia anno-
tare peccata, quæ in Ecclesia admitte-
bantur: quo signo monemur, ea quoque

N 6 præ

præ cæteris maiorem mereri castigationem.

Demum etiam necesse est, ut ad Missam tribus illis virtutibus Theologicis instructus accedas, Fide videlicet, Spe, & Charitate. Fide quidem, qua credas id, quod in Missa honoratur ac adoratur, esse Christum Deum & hominem, secundum veram & realem eius præsentiam. Spe, qua firmiter cōfidas, te à Deo, tanquam amantissimo Patre, certò obtenturum, quicquid vel pro te, vel pro alijs postulaueris. Cum Charitate demum ideo maximè adfistere Missæ opus est, quod in ea Passio nobis Dominica, quæ beneficium summum & sacrificium amoris fuit, repræsentatur.

*Quid interim faciendum sit, dum sacrum
Missæ Sacrificium celebratur.*

C A P. V.

Missam flexis ambobus genibus audire conuenientissimum est, propterea quod in conspectu versaris eius, cui præcepit Pater cælestis, ut omne genu flectatur, cælestium, terrestrium & inferorum. Ante omnia verò necessaria est